


**Юрий Васильевич Потапов – Саргын
Кыргыттарым , кийииттэрим, сир симэбэ
сиэннэрим**

Алгыс- монолог

Дьылба хаантан ыйаахтаах,
Одун хаантан онгоһуулаах,
Ону толорор аналлаах
Кыргыттарым, кийииттэрим
Таптыыр сүрэх талан ылбыт,
Татыйыга буолангыт,
Талыы- талба Далбар Хотун
Ийэ буолуу – үрдүк үөрүү
Дьолун мэлдьи билэнгит,
Оҕо- уруу тэнитэнгит,
Аймах дьону үөрдэнгит,
Мааны кийиит аатыран,
Бастың ийэ аатын ылан,
Аанньаллара дуо дэтэр,
Ыал ийэтинэн дуо дэнэр,
Дьолун аакка тиксэнгит,
Тойон эргит ахтар – күүтэр
Аналлааба аатыран,
Итии чэйдээх, дэлэй астаах
Үчүгэйкээн ыал буолан,
Өйөһүһэн, өйдөһөн
Онон эрэ дьоллонон,
Уһун олох суолун холбоон,
Хомолтоҕо, үөрүүгэ
Оннук кэмгэ бииргэ буолан,
Өттүктэртэн өйөһөн,
Ыараханы аһаран,



Өйөбүллээх буолунҥ диэммин,
Тойон киһи тойонноон,
Аҕа киһи алгыс алҕаан
Амалыйан эрдэҕим.
Атын омук аналлара
Айыы сириҥ аанньаллара,
Сирим симэҕэ сиэннэриҥ,
Ситэн – тупсан улаатан,
Кийиит буолар кэмҥит кэлэн,
Ханнык уолга эргэ тахсан,
Ханна- ханна эһи тийэн,
Хара дьиэбит харангаччыта,
Үрүҥ дьиэбит үрүмэччитэ
Үрдүк ааты ылар сааскыт
Үөмөн – тийэн кэллэҕинэ
Удьуор тыынын уһатар,
Уһун буруону унаардар
Үтүө дьоннор буолунҥ диэммин
Уруйдаһа турдаҕым.
Кыргыттарым, кийииттэриҥ,
Сирим симэҕэ сиэннэриҥ,
Аҕыс айыыһыккыт аргыстастын,
Сэттэ иэйэхсиккит энгэрдэстин,
Өрөгөй – талаан үрдээтин,
Үөрүү – көтүү үксээтин!
Уруй буоллун, айхал буоллун!
Айхал буоллун, мичил буоллун!
Саргы – дьаалы салалыннын!
Санаа хоту табылыннын!
2014 с., кулун тутар 24 к., Хатырык